

Na osnovu Zakona o javnim nabavkama Bosne i Hercegovine ("Službeni glasnik" broj: 39/14), člana 7. stav (b) Pravilnika o postupku direktnog sporazuma Elektrotehničkog fakulteta u Sarajevu (broj: 02-1-614/15 od 04.02.2015. godine) i Odluke o direktnom sporazumu (br. 12-5928/19 od 11.12.2019. godine), zaključuje se

## UGOVOR O JAVNOJ NABAVCI

Između ugovornih strana:

ELEKTROTEHNIČKI FAKULTET U SARAJEVU - ID broj: 4200304450006, sa sjedištem u Sarajevu u ulici Zmaja od Bosne bb, koga zastupa dekan prof.dr. Jasmin Velagić (u daljem tekstu: Ugovorni organ)

i

"Penny plus" d.o.o. Sarajevo ID broj: 4200162210002, sa sjedištem na adresi Igmanska b.b., 71320 Vogošća, koga zastupa direktor Kadrić Almedin (u daljem tekstu: Ponuđač)

### Član 1. (Predmet Ugovora)

Predmet ovog Ugovora o javnoj nabavci (u daljem tekstu: Ugovor) je nabavka novogodišnjih paketića i organizacija zabavnog programa za djecu u igraoni Ponuđača za potrebe Ugovornog organa, a po osnovu direktnog sporazuma zaključenog između ugovornih strana.

### Član 2. (Obaveze Ponuđača)

Ponuđač se obavezuje da će:

- omogućiti realizaciju poklon bonova u marketu "Toys and Fun" i pakovanje 43 paketića za djecu prema dostavljenom spisku,
- omogućiti doplatu na licu mjesta ukoliko cijena izabrane igračke prelazi vrijednost poklon bona,
- organizovati zabavni program za djecu sa Deda Mrazom, maskotama i zakuskom, te podjelu paketića u igraoni, u četvrtak 19.12.2019. godine, u periodu od 18,00 do 20,00 sati i
- postupiti po eventualnim primjedbama Ugovornog organa u pogledu nedostataka u kvaliteti novogodišnjih paketića.

### Član 3. (Obaveze Ugovornog organa)

Ugovorni organ se obavezuje da će:

- blagovremeno dostaviti Ponuđaču spisak djece za paketiće,
- obavijestiti Ponuđača o mogućim propustima prilikom dodjele novogodišnjih paketića i
- obavijestiti Ponuđača u razumnom roku o mogućim neispravnostima isporučenih novogodišnjih paketića.

### Član 4. (Povjerljivost)

Ugovorne strane se obavezuju da će trajno čuvati kao poslovnu tajnu sve povjerljive informacije te da neće otkrivati ili na bilo koji način nedozvoljeno koristiti informacije koje se odnose na poslovanje.

Član 5.  
(Naknada i način plaćanja)

Ugovorni organ se obavezuje da će Ponuđaču isplatiti ukupnu cijenu ponude u iznosu od 3.000,00 (trihiljade i 00/100 KM) bez PDV-a, koja se sastoji od iznosa od 2.572,65 KM na ime 43 komada poklon bonova za igračke i slatkiše, te iznosa od 427,35 KM na ime zabavnog programa u igraoni.

Ugovoreni iznos naknade će se platiti na žiro račun Ponuđača u roku od 30 (trideset) dana od dana dostave fakture, kod odgovarajuće banke u Bosni i Hercegovini.

Pripadajući porez će se obračunati i platiti u skladu sa zakonom.

Član 6.  
(Rješavanje sporova)

Za sve eventualne sporove po bilo kojem članu ovog Ugovora, ugovorne strane su saglasne da probleme i nejasnoće rješavaju sporazumno u razumnom roku, u protivnom nadležan je sud u Sarajevu.

Član 7.  
(Završne odredbe)

Ugovor je sačinjen u 4 (četiri) istovjetna primjerka od kojih svaka ugovorna strana zadržava po 2 (dva) primjerka.

Ugovor stupa na snagu danom potpisivanja.

U znak prihvata svih prava i obaveza iz ovog Ugovora, ugovorne strane svojeručno ga potpisuju.

~~ZA PONUDAČA~~

Direktor Kadrić Almedin

PPS.F.-IP-44561/2019

16.12.2019.g.

ZA UGOVORNI ORGAN

Dekan, prof. dr. Jasmin Velagić

Broj: 02-5983/19  
Datum: 12.12.2019

